

10-15 օր ևս հազիւ կարողանանք պահպանել ներկայ դրութիւնը: Մարտիկելի չէ մահը... երկրորդ տարին է, որ մենք արդէն հաշտուել են այդ մտքի հետ: Գողթնը կը մեռնի հերոսի մահով, սակայն, թո՛ղ ամբողջ աշխարհը իմանայ, որ այս անգամ մեզ մահուան դուռ հասցնողը Երևանի մեր կառավարութիւնն է: Փրկեա՛ծ է Գողթնը, եթէ մօտ օրերում դոնէ 400 սրտցաւ գինւոր մեզ օգնութեան հասնի»:

Յուսահատի ճիշ էր այս: Գողթնում չգիտէին, որ Երևանը ինքն էլ օրհասական ժամեր էր ապրում և նոյնպէս ճշարտվ՝ օգնութիւն սպասում արտաքին աշխարհից:

Բայց և այնպէս, կառավարութիւնը շտապեց կազմակերպել Գողթնի օգնութեան գործը. մի կողմից նիւթական միջոց ու պարէն փութացրեց, միւս կողմից՝ յանձնարարեց Գ. Նժդէհին ու բաշգառնեցի յայտնի խմբապետ Ղազար Գոչարեանին կազմել մի զօրամաս՝ Գողթն ուղարկելու համար: Մի քանի շաբաթից զօրամասը արդէն պատրաստ էր, և սեպտ. 4-ին, Ղազարի հրամանատարութեան տակ, դուրս եկաւ Երևանից ու հոկտ. 2-ին, Դարարադեազի ու Զանգեզուրի վրայով, հասաւ Գողթն:

Տխուր էր այնտեղի կացութիւնը: Յ լեռնային դիւղերը միայն մնացել էին ազատ, միւսները կամ տեղահանուել ու կոտորուել էին, կամ ապրում էին ջարդի մղձաւանջի տակ: Ազատ մնացած դիւղերն էին Բիստ, Ալահի, Նասրւազ (Մեսրոպաւան), Փառակա, Յղնա և Ռամիս, որոնք դասուում էին պաշարւած վիճակում: Աղուլիսները համակերպւել էին թրքական իշխանութեան, հետացրել էին իրենց միջից կուռղ ուժերը և դբանով էին ուզում պահել իրենց գոյութիւնը: Տիրում էր պարէնի անտակելի ապօրինակ յարաբերութեան և մթերք ստանալու միակ ճանապարհը Ղադիսէնուրի լեռնանցքն էր՝ 12,853 ոտք բարձրութեամբ, այն էլ վտանգւած էր Օխչի ձորի ապստամբ թուրքերի կողմից:

Հայկական զօրքերի ժամանումը բարձրացրեց ժողովրդի տրամադրութիւնը: Ղազարը Մովսէս Գիւրնազարեանի և տեղական ուժերի զործակցութեամբ կազմակերպեց շրջանի ինքնապաշտպանութիւնը — 7-800 կուռղներ, 2 թնդանօթ, 6 գնդացիք, — և այնուհետև Գողթնը ո՛չ միայն գիմացաւ թրքական յարձակումներին, այլ և ինքն էլ դարձաւ նախաձեռնարկ: Նոյեմբերի կէսերից սկսեցին անվերջ կռիւներ գողթնեցիների և թուրքերի միջև. նոյեմբ. 12-ին թշնամին առաջ խաղաց Բիստի վրա ու յետ շարուեց: Նոյ. 25-ին թուրքերն աւելի մեծ ուժերով, երկու զօրասիւնով, յարձակեցին Բիստի, Ալահիի ու Մեսրոպաւանի և Ռամիսի վրա: Տեղի ունեցան տաք կռիւներ. թշնամին պարտւած՝ դիմեց խուճապային փախուստի՝ հայերի ձեռքը թողնելով առատ աւար, գերիներ ու մի դբօշակ:

Իր վրէժը, սակայն, մի ամիս յետոյ լուծեց Վերին Աղուլիսից: Օխչի ձորի ու Գեղւայ ձորի աւերից յետոյ, Օրդուբաթի ու Նախիջևանի թրքութիւնը, կազմակերպեց Աղուլիսների թալանն ու կոտորածը: Գէպքի մամբամանութիւնները Երևան հասցրեց Գողթնի հաշտարար դատաւոր Յ.